

隨州志卷之四

隨州知州張璿輯

城池

董安于之治晉陽也曰繭絲乎保障乎漢東實荆郢之保障崇墉浚壑備豫不虞守土者之責也隨城之築已百有餘年有基勿壞正今日事志城池第九

隨州城在隨城山北七里湏水遶其南卽魏周以來故址其以築城書者見於宋知隨州吳柔勝自是廢興不可考德安府志云隨州舊土城明洪武二年守禦鎮撫李

隨州志

卷之四 城池

富等始作磚城以南畔湏下徙而北者半城周六百二十五丈計三里一百七十步高二丈五尺南西北三門各建樓南樓右有鐘樓爲敵舍二十三女牆九百五十舊志嘉靖三十七年知州孫銳葺修崇正十四年毀於賊十五年春知州盛世才練總張國威奉檄修築城五門門各有樓舊有南西北三門明嘉靖中僉事鄭汝舟闢小南門曰文明門樓曰青雲樓

本朝乾隆二十年知州金嶺闢東門

國初承明季兵燹之餘人烟寥落因局西門至雍正十三年知州錢公家暨因城西街市漸盛於是復開以領

入乾隆元年知州王公臣開小南門城內外居民咸以
為不便三年開小南門復開西門迨二十年知州金公
崑再開西門又自闢
東門而小南門如故

濠周城外共七百丈五尺深一丈舊志云成化十五年判
官孫益等重濬其西北為堤五十七丈以防北來諸溪
之水

府志載正德中百戶張瑄朱元判官孫益開濬按孫益
於成化九年到任張瑄天順四年襲職其濬濠事當依
州志作成化
十五年為是

外土城即元時舊城其高廣丈尺無可考明初潁水泛溢
城南為患宏治十三年知州李充嗣築堤以禦水起自

隨州志

卷之四

城池

二

城西隅環而南至城東隅周五里許復為垣於堤上以
為外城設東西南三門門各有樓嘉靖中城圯三十七
年知州孫銳重修

府志云設外關門四而州志止言三門蓋此時築堤建
城原因水患潁水止泛城南故建築多在南北接磚城
不復有北門也府志
誤 今城廢堤尚存

東關路達萬家店通信陽州小道其門曰小東門門上有
樓曰龍會又有聚奎陽和兩門並峙其下 聚奎陽和兩
門今並廢

西關路達安居店通鍾祥縣大道其門曰小西門門上有
樓曰霖雨又有玉波順德兩門並峙其下 玉波順德兩
門今並廢

南關路達光化舖為德安府大道其門曰漢東門門上有

樓顏曰漢東太郡其內又有襟漢樓在大街之中諸門俱明

李充嗣建後聚奎等門俱圮獨漢東龍會霖雨三門尚存

北關在磚城之北土城周二里許其門曰小北門嘉靖二

十五年僉事鄭汝舟建路達厲山店為棗陽縣大道城

於嘉靖三十七年知州孫銳重修

北外城不知何時始有府志云明洪武初以南畔湫下

城徙而北者半故宏治中李充嗣所營止在城南舊志

北外關別有土城周二里則非充嗣所築矣其門為嘉

靖中關築城當在嘉靖前府志又云嘉靖三十七年知

州孫銳於郭外築磚城高丈餘周十里樓六座以防水

盜州志不載亦無遺蹟可驗詢諸土人莫能指其處舊

隨州志

卷之四

城池

三

土城南得五里北得二里許合今磚城計之正得周十

里數其所謂磚城者或言昔時皆版築易壤孫公乃椎

土為土磚徑二尺城始堅今願基土磚猶歷歷可辨

外羅濠周土城外深濶與內濠同明嘉靖中知州朱天秩

鑿

州城水法為腰帶水有二源一從紫城山一從破山皆

西南流至城東北合為濠水逕城東又南逕南關過通

津橋分支南出過小通津橋二水俱折而西北流為西

濠由玉波門外石橋會西來歲豐橋之水折而南過小

石橋入魚尾溝即今所謂乾溝也又西南流出魚口入

濠年久水斷朱公天秩乃於舊濠之外別穿一渠導東

北來之水使注舊濠於是水復故道州人分稱之曰新

濠二濠其後兩通津橋水漸寒不知何時於礧山南

新築導水逕城北濶家橋為五眼橋反水

西流直出歲豐橋入濠非當年故道矣

附

合河巡檢司新城在州北一百九十里合河店其地接壤
信陽桐柏山深林茂易為盜藪明初建城以資防禦萬
歷三十九年知州王納言巡檢潘應嗣重築城高一丈
周一百六十丈南北為二門門各有樓為瞭望戍宿之
地納言有重建合河新城記記載藝文志今圯
解署

叔孫氏館於晉雖一日必葺其牆屋古人用心不規
規為一時計也倘視居官為傳舍則朝不及夕政事

隨州志

卷之四

解署

四

人民何有於數椽之室邊賸計其久遠耶故即官舍
修廢亦足以徵厥事矣志解署第十

知州署在城西門內其建始無考舊志云明洪武二年同
知州事張遜審度地勢取城中西隅最高處為州解今
署其舊址也自後修建不復載以今制言之大堂曰忠
愛堂康熙初知州劉霽題額堂西序為庫房前為六曹
東西列如制中為甬道夾甬道為皂隸班房前為儀門
門西為獄舍前為大門門之東有土地祠舊志載有戒
石亭在大堂前迎賓館在大堂之東今廢

乾隆五十一年知州元傑

祿於大堂西隙地掘得戒石一座旁有乾道四年通直
郎知隨州隨縣主管勸農屯田以下姓名剝落不可辨
今存

堂之後有川堂有後堂最後為延緣山房即內宅
也東為廚後堂之東為書舍西為客廳舊志夜光廳在
川堂右茶亭在夜光廳前明知州閣在邦運甃齋記畧
云隨知州衙無正廳客至率由北折而西遷就於右齋
賓昨莫辨誤而失禮者多矣先守姑蘇申公經嘗於庭
中建小亭榜曰効新鄉待御宗公彞為之記嘉靖己亥
閻子嗣守是邦乃謀隙地於亭北僅得數尺即偏深坎
因命負土築基再閱歲勢漸增廣得四丈餘未幾淫雨

隨州志

卷之四

廨署

五

大作基崩者三尺會有別工羨磚即役匠氏鑿之既堅

且隆以下文缺按其地即舊志所謂夜光廳實今客廳舊基

也其曰効新亭者即舊志之茶亭今廢乾隆四十五年

知州吳縈孫建書室三楹於客廳右其地為昔州判衙

廢址舊志州判衙在大堂西舊志旌善申明二亭在大門外東西

街崇樓在衙舍左今皆廢署知州孫重建申明亭

常平倉在州署之西舊在州署東名豐大倉明萬歷間

知州林梓撤倉屋改建學宮遷倉於今地其廢有四則

以甲乙丙丁字

便民倉在漢東門內舊志明成化七年知州呂翰因輸
漕轉運之艱增建於城外以近水次十四年壞知州伍

希閔重修有官廳三間東西二版

獄舊在儀門之東亦以改建學宮始遷於西舊傳西故

後井入獄中知州林梓夜夢有獄中人自訴無罪梓異
之徧視獄囚無似者而是日井冰忽竭始悟井之神也
因鑄非罪泉三字於石欄以誌其異於是泉復湧出後

舊志州同署在大堂之東州判署在大堂之西久廢

舊志布政憲司在城內東北按察分司在城北久廢

州同署分駐祝林在州北一百八十里乾隆三十九年以

隋州志

卷之四 廨署

州北境遼濶裁鶴峯州州同缺改設

學正訓導署詳學校

營署詳營制

吏目署舊在州署西康熙中卽州同署廢址改建在儀門

之東門兩重中為大堂後為二堂堂後為內室遷學後

闕客廳於二堂之東

高城巡檢司署舊在州北出山店稱出山司乾隆三十九

年因分駐州同於祝林總乃以出山店地歸州同分轄

徙巡檢司於東北七十里高城鎮改高城巡檢司

合河巡檢司署在州北二百里合河地明成化十二年遷撫御史原傑裁安陸縣高竅鎮巡檢改置

唐縣鎮巡檢司署在州西北九十里唐縣鎮本隋代唐城縣地元時置白馬驛今署即驛館遺址

梅邱巡檢司署舊在梅邱雍正三年徙駐州西八十里環

潭地巡檢王懋德以舊郵亭改建新署

環潭郵亭係明時由信陽入承

天府大道

門一重內為大堂堂後為過堂再後為三堂即內

室其東偏為書舍

陰陽學無定所

隄州志

卷之四

縣署

七

醫學無定所

僧正司無定所

道正司無定所

附

養濟院在北門外瓦屋六間草舍六間

舊志惠民藥局在南門外今廢

壇廟

禮法施於民則祀之以死勤事則祀之壇廟之設良有深義我

國家於常祭外增祀先農為民祈報典至隆矣况歷川

古社遺蹟斯存崇德報功卽所以正風俗而厚人心也志壇廟第十一

社稷壇在西門外稍北一里稱西壇明洪武三年建界以圍牆設四門中爲方壇立石爲主二北向左社神右稷神歲春秋二仲月上戊日致祭祭用帛一色羊一豕一銅一遺豆四簋簋二行三獻禮二跪六叩首孟夏部示日期行常零禮

風雲雷雨山川壇在南門外稍東一里明洪武六年建制如社稷立石爲主三南向中風雲雷雨神位左山川神

隨州志

卷之四

壇廟

八

位右本州城隍神位祭禮同社稷帛用白色先農壇在東門外稍南二里雍正五年奉

旨建祠宇三間東向中奉木主書炎帝神農之位前有門牆

外爲藉田歲三月奉文以耕藉日致祭禮如山川社稷壇祭畢耕藉官先九推農夫終畝耕畢勸農耨耨資藉田四畝九分歲收稻穀一石麥一石一斗蕎麥一石一斗二升存貯老農處於每年二月變價以作祭費有不敷赴司請傾

附郡厲壇在北門外明洪武三年建壇無神主歲以清

祀以祭

城隍廟在東門內大街建始莫考明宏治中知州李充嗣修正德十一年知州張延壽復修建鑿鼓樓於大門上進士尹儒爲之記

△朝雍正元年知州沈元鼎乾隆十六年知州許聯奎重修三皇廟舊志云在儒學東南久廢廟自宋以來有之考所載元人梁天祥碑記稱國初循舊制勅天下路府州縣立三皇廟是當時勅建廟也至正初達魯花赤某知州

隨州志

卷之四

廟壇

九

劉鼎重修久圯

神農廟在州東北一百二十里上名鄉黃連村厲山之上山有神農洞卽帝誕生處也廟祀不知何始考荊州記云民於此立社號神農社年常祀之則其由來久矣以後廢建無可考廟故有帝像人身牛首宏治四年知州楊憲易以冕服嘉靖十年知州范欽率民修殿宇萬歷末知州王納言重修

△帝廟在東門內大街城隍廟右建自明按明史帝廟始建於南京稱漢前將軍漢壽亭侯則此時帝祀已盛矣

海州縣俱有廟稱武廟列於祀典康熙三十三年重修
乾隆三十五年知州紀淑會建頭門儀門及兩廊四十

一年知州胡觀瀾新帝像及殿

胡觀瀾自為記云殿南

一柱多斧斫痕鑿削欲
折州人謂明末獻賊破城居民奔匿於承屋之板賊斫
柱將斷恍惚見帝形乃驚遁故留其柱不易以誌靈異
云

火神廟在南關東街後始建無考雍正十二年知州吳峴
重修

季子祠舊志云在城南門外之西按祠舊有碑記云范大
夫之二年新作季子祠顏木范使君碑亦言復季祠侵

海州志

卷之四

壇廟

十

地則祠於明已為居民侵占范欽會復而修之嗣廢今
祀二賢祠內

歐陽文忠公祠在城西隅白雲樓下明宏治中知州李充

嗣建額曰白雲書院後臨夜光池池亦充嗣所鑿以寓

意靈蛇遺蹟其東僑立尹公亭祀宋知渭州尹師魯蓋

以師魯謫隨日嘗建亭城東金燈禪院也李去民附其

主尹公旁知州史經以形家言毀白雲樓

詳古蹟

改白雲

書院為文忠書院自後祠屋儼為賈肆官收其值而

興廢矣嘉靖十五年知州任德修復之規制視昔加

後廢卽今夜光池舊址

二賢祠在城東龍會門內祀周隨大夫季梁及宋太子
師文忠歐陽修考舊志無此祠當始於康熙五年後
秋領銀致祭

何文毅公祠在文明門內祀明太傅何宗彥天啟中巡撫
唐中樞請建

徐公祠舊在城北門內祀明狗難知州徐忠毅公世淳明
崇正十六年巡按御史汪承詔疏請勅建以公子肇梁
耐祭後城陷祠毀乾隆十三年貢生梁高振等請於官

隨州志

卷之四

壇廟

十一

得舊學隙地重建在今書院東偏

節孝祠在漢東門內康熙初年

勅建祀節婦明朱昱妻劉氏以下乾隆四十年州人重建

王公祠在書院西偏祀署知州新淦王公雲翔州人沐公
德澤於其旣去買舊訓導署名王公書院以示不忘蓋
公常爲諸生講學其處也

坊表

表厥宅里樹之風聲彰善之典至盛也隨蕞爾邑而
崇臺雙闕與交午柱錯峙矣芳聲淑範建石門閭曷

常不與鄭公通德同名其里哉志坊表第十二

澄清宣化二坊在舊憲司前明宣德六年判官武襄立今廢

報珠坊在州治前今廢

鍾英坊在南門內明景泰八年知州程亨爲舉人宗文立今廢

旌節坊在太平街乾隆十三年知州王雲翔爲監生黃佳璧妻梁氏立

旌節坊在太平街乾隆十四年知州許聯奎爲黃佳琳妻

隨州志

卷之四 坊表

七

沈氏立

旌節坊在玉石街乾隆十三年知州王雲翔爲監生王之翰妻馮氏立

儒林坊在城東儒學前明天順四年知州程亨立今廢

攀龍坊在儒學街東明成化十三年知州伍希閔爲舉人宗彞立今廢

附鳳坊在儒學街西明成化十三年知州伍希閔爲舉人章冕立今廢

登瀛坊在南門外明正統六年知州高昇爲舉人吳旻立

今廢

世美坊在南門外明景泰元年知州尤忠為舉人童壽立
今廢

絳芳坊在南門外明景泰元年知州尤忠為舉人章貞立
今廢

攀桂坊在南門外明景泰四年知州呂華為舉人楊名立
今廢

奎壁坊在南門外明景泰四年知州呂華為舉人楊亨立
今廢

隨州志

卷之四

坊表

三

解元坊在南門外明成化八年知州呂穉為舉人章爵立
今廢

貞節坊在南門外明成化十二年判官孫益為朱昱妻劉
氏立今廢

旌節坊在襟漢樓外乾隆九年知州黃鵬為戴履程妻張
氏立

旌節坊在漢東門內乾隆三十三年知州莫溥為張士
妻劉氏立

旌節坊在漢東門內乾隆四十五年知州胡觀瀾為熊士

鳳妻張氏立

潁州坊在南關外

舜子巷坊在州南

均川坊在州南今並廢

旌節坊在厲山店乾隆三十二年知州紀淑曾爲劉士毅

妻李氏立

節烈坊在沈家畷乾隆四十年知州方天葆爲烈婦陳氏

林妻袁氏立

舖遞

孟子置郵傳命卽今之急遞舖也

古無舖字從俗書

舖兵以

供傳送而以時察其淹滯隨雖非孔道而道里苦修阻故舊設舖遞若干所今備載之志舖遞第十三

州前舖南至石牌舖十里

永充舖司二名編徭舖兵五名舊有舖屋六間今廢

舊志各舖俱有官廳三間門一重郵亭一座明末盡毀順治三年各舖重建今止屋六間非昔時舊制矣

石牌舖城南十里南至廟潭舖十里

永充舖司一名編徭舖兵三名舊有舖屋六間今廢舊

隨州志

卷之四

舖遞

五

志又載有地二段共十四畝今存四畝

廟潭舖

俗稱廟潭舖

城南二十里南至光化舖十里

永充舖司一名編徭舖兵三名舊有舖屋六間今廢舊

志載有地二段共二十七畝今存六畝

光化舖城三十里南至沙陂舖二十里

永充舖司一名編徭舖兵三名舊有舖屋三間今廢舊

志載有地二段共六十畝今無存

沙陂舖城南四十里南至雲潭舖十里

永充舖司一名編徭舖兵三名舊有舖屋六間今廢舊

志載有田二段其一十八畝九分今存八畝

雲潭舖城南五十里南至紫石舖十里

永充舖司一名編徭舖兵三名舊有舖屋六間今廢

志載有田地二段共八畝三分今存地五畝

紫石舖城南六十里南至石門舖十里

永充舖司二名編徭舖兵五名舊有舖屋六間今廢舊

志載有地六段共十一畝今無存

石門舖城南七十里入安陸縣界

永充舖司一名編徭舖兵三名舊有舖屋六間今廢舊

隨州志

卷之四

舖遊

六

志載有田三段共十五畝今存五畝

諸馬舖城東二十里東至馬坪舖二十里入應山縣界

永充舖司一名編徭舖兵三名舊有舖屋六間尚存舊

志載有舖地八段共五十八畝今存十二畝

蕭家舖在城西二十五里順治三年改涼水舖置西至安

居舖十五里

永充舖司一名編徭舖兵三名舊有舖屋三間今廢

安居舖在城西四十里順治三年改厲山舖置西至麻舖

舖十五里

永充舖司二名編徭舖兵五名舊有舖屋三間今廢

船鎮舖在城西五十五里順治三年改淨明舖置西至官

潭舖十五里

永充舖司一名編徭舖兵三名舖屋今廢

官潭舖在城西七十里順治三年改唐縣鎮舖置西至大

悲舖二十里

永充舖司二名編徭舖兵五名舊官廳三間門一重郵

亭一座雍正三年改為梅邱巡檢司署後別置舖屋三

間今廢

隨州志

卷之四

舖遞

十七

大悲舖在城西九十里順治三年改申溪舖置西至陳家

舖二十里入棗陽縣界

永充舖司一名編徭舖兵三名舊有舖屋三間今廢

按舊志隨有馬驛與舖遞相輔而行驛置於州馬五十
里始則民養今則官養舖則置於野相距或十里或二
十里有舖司以掌記籍有舖兵以衛行者遞文檄有永
充之額有編徭之役養以工食是日均徭又環舖買地
聽其耕食其馬康熙元年裁二十五匹五年裁十九匹
止存六匹嗣後盡裁舖十有四各設官廳三間門一重
郵亭一座

分汛

漢志十里一亭亭父掌求盜賊
後世營汛所由設也
隨地界連荆豫中多險阻伺察
姦盜酌水陸道里遠
近而分汛以詰之備不虞也志塘汛第十四

東南

北

西河店設汛兵 名

祝家店設汛兵 名

紫石舖設汛兵 名

淮河店設汛兵 名

朱家店設汛兵 名

出山店設汛兵 名

東北

合河店設汛兵 名

隨州志

卷之四

塘汛

六

劉店設汛兵 名

西北

高城店設汛兵 名

唐縣鎮設汛兵 名

小林店設汛兵 名

灌兒口設汛兵 名

西

官潭店設汛兵 名

大悲店設汛兵 名

津梁

周官司險知川澤之阻而達其道
路
有六典天下

巨梁有數大津給船有差等其爲行道慮何周也隨
自楚人梁滌見於左氏知其川澤之多險矣志津梁
第十五

通津橋在城南一里許漢東門內橋跨通衢濠水逕其下
建始時代無考舊志云元至正元年修後居民侵占橋
基濠水漸涸明嘉靖二十五年知州朱天秩重濬又復
其侵地甃以石濠水復通

小通津橋在通津橋南濠水分支逕其下舊志云明宣德
三年修後嘉靖中朱天秩與大津橋同修

隨州志

卷之四

津梁

十九

雲路橋在小南門外跨濠水乾隆三年開小南門後建
長橋一名三元橋在龍會門外跨內濠橋長九丈許始建
年月無考乾隆四十九年重修

漢東橋在漢東門外跨外濠下接漢東街其始建年月無
考

廣德橋在西門跨濠水乾隆二十五年里民張存禮及其
弟存忠建

接洪橋在廣德橋南跨濠水始建年月無考

高家橋俗名五眼橋跨濠水上流濠水導源城東北之礮

山舊自橋東南下繞城而西出乾溝入澗其分支乃出
橋下西入合溪後城南漸淤水盡趨橋下往往泛溢橋
圯康熙四十一年知州李重修州人梁宗極爲記
遷仁橋在北門外跨內濠俗呼仙人橋不知何代建唐劉
長卿有登遷仁樓詩卽北門麗樓也亦作僊仁樓橋當
以此得名舊志云元至正元年修明末賊至阮經歷率
衆毀之

歲豐橋在城西一里跨合溪上明成化十五年判官孫益
建後屢壞蓋澗水秋漲輒到灌魚口合溪水溢又外合

隨州志

卷之四

津梁

三

浮纓水泛溢數里故橋輒圯宏治十年知州李充嗣於
南百步外改建石橋廣五尺長七丈御史宗彝爲作記
更名李公橋然州人歲豐之稱如故也

接豐橋在玉波門外跨合溪下流建始無考

積善橋在城南五里建始無考舊志稱明景泰六年重修
樂善橋在城南十一里建始無考舊志稱明成化十年重
修

壽星橋在城南二十里跨楊家湖溝口乾隆二十年里人
王郁章建

土橋在州南二十五里光化舖其建始無考

光化橋在東南三十五里建始無考舊志稱明成化二年重修

新家橋在州南府君里

雲潭橋在州東南五十五里跨澗建始無考舊志稱成化九年重修

紫石橋在州南六十里建始無考明知州晉承命重修舊志以紫石長橋為隨州八景之一

天緣橋在城東五十里新滕店跨守溪為隨州應山分界

隨州志

卷之四 津梁

三

左右有石欄其建始無考乾隆四十三年重修

回龍橋在州北二十五里迴龍店建始無考舊志稱明成

化十一年李僧募修按察使李敏道過此橋為作記見藝文志然舊藝文志實無此

上橋在州北三十里土橋畝始建無考

七里橋在州西七里舊志稱久壞於水康熙初知州陳秉化重修更名桂芳橋

梁家橋在州西二十五里新廂里建始無考

范家橋在州西四十里安居南建始無考

上澁橋在安居店西澁河口

三合橋在州北六十里淨明舖南建始無考

汪家橋在州西北七十里跨獅子溝爲候選州同江東占
建

孟家橋在州西北七十里建始無考爲宋荆鄂都統制孟
宗政故里

驩驩橋在城西北九十里唐縣鎮南驩驩陂上建始無考

踢石橋在州西北一百二十里

茹橋在州東金錢里

隨州志

卷之四

津梁

三

嫂橋在金錢里舊志稱有姑嫂二人各建一橋然不詳爲
何時事

木瓜園渡在州西二里

兩河口渡在州南三里

浙河口渡在州東南十五里

官渡河渡在州南十七里

浪河頭渡在州東南三十二里

島口渡在州南三十里

安居渡在州西四十里

大清河渡在州西六十五里

寺潭灣渡在州西七十里

官潭河渡在州西七十五里

沙窩渡在州南八十里

通志

卷之四

津梁

三